

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CXCI.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

C X C I .

CHARTA COMITUM DE VERINGEN, QUA HEINRICO
ET RUDOLFO FRATRIBUS DE HACHBERG JURA SUA IN
VICO MALTERDINGEN VENDIDERUNT.

A N N O M C C X C V I I .

Ex autographo Bada - Durlacensi.

Notum sit omnibus presencium inspectoribus tam presentibus quam futuris quod nos Hainricus comes de Veringen, Manigoldus, Wolfradus fratres de Veringen, & Wolfradus junior vendimus & tradimus uendidisse, & tradidisse nos presentibus confitemur honorabilibus dominis H. & Rvo. fratribus de Hachberg & omnibus heredibus suis omnes possessiones redditus seu omnia jura quas aut que habemus aut habere possumus in villa dicta Maltertingen pro LX. marcis puri argenti ad habendum tenendum, possidendum omni eo jure quo ipsas possessiones tenuimus & possedimus temporibus retroactis. Confitemur nos predictae pecuniae summam plene & integraliter recepisse. Renunciamus etiam omni juri, actioni, petitioni & requisitioni nobis in dictis possessionibus contra predictos dominos; promittimus bona fide quod ipsos pro sepe dictis possessionibus nunquam inpetemus grauabimus nec molestabimus nec molestari procurabimus in iudicio siue extra. Testes hujus uendicionis ac rei sunt subnotati, scilicet Anshalmus de

Justingen, Anshalmus filius suus. Eb. de Rosennowe, miles, B. dictus de Liebenstain. C. de Gruningen. B. scriptor de Melchingen & ceteris fide dignis. In cujus rei testimonium nos predicti H. Manigol. & Wol : comites ac fratres de Veringen presentem cedula munimine nostrorum sigillorum uolumus reborare. Datum Rudelingen Anno Domini M^o. CC^o. LXXXVII^o. feria tertia ante festum Walpurgis.



CXCII.

ALBERTUS REX ROMANORUM EGONI COMITI
FRIBURGENSEI OPPIGNERAT CASTRUM MALBERG,
MILLE MARCIS ARGENTI REDIMENDUM.

ANNO MCCXCVIII.

Ex autographo Bada-Durlacensi.

Nos ALBERTUS Dei gratia Romanorum Rex, semper Augustus significamus presentium inspectoribus universis, quod nos devotionis puritatem & fidei constantiam spectabilis viri Egonis Comitis de Vreiburch fidelis nostri dilecti benignius intuentes sibi propter sua grata & fidelia que nobis impendit servitia & impendere poterit in futurum, Castrum *Malberch*, cum bonis, villis, juribus, hominibus & aliis suis pertinentiis vniversis pro mille marcis argenti, Argentinensis ponderis